



**YUKLANGAN ARALASH PARABOLIK TENGLAMA UCHUN INTEGRAL SHARTLI MASALA**

**F.F.Mamanazarova  
 I.M.Mo`ydinov**

**Annotatsiya.** Ushbu maqolada vaqt yo'nalishlari perpendikulyar bo'lgan aralash parabolik tenglama uchun integral shartli masalaning bir qiymatli yechilishi tadqiq qilingan.

**Kalit so'zlar.** Aralash parabolik tenglama, integral shart.

$D$  orqali  $y=0$ ,  $y=h$  va  $x=-T$  to'g'ri chiziqlar bilan chegaralangan yarim polosani belgilaylik, bu yerda  $h=const > 0$ ,  $T=const > 0$ . Bu sohada quyidagi yuklangan tenglamani qaraylik:


$$0 = Lu \equiv \begin{cases} L_1 u \equiv u_{xx} - u_y + \lambda \frac{d}{dy} u(0, y), & (x, y) \in D_1 = D \cap (x > 0), \\ L_2 u \equiv u_{yy} + u_x, & (x, y) \in D_2 = D \cap (x < 0), \end{cases}$$

bu yerda  $\lambda$  - berilgan haqiqiy son.

$Lu=0$  -  $D$  sohada aralash parabolik tenglama bo'lib,  $D_1$  sohada to'g'ri parabolik,  $D_2$  sohada esa teskari parabolikdir. Aralash parabolik tenglamalar uchun chegaraviy masalalar birinchi bo'lib fransuz matematigi Mario Jevre [1] tomonidan o'rganilgan. Keyinchalik, tadqiqotchilar tomonidan aralash parabolik tenglamalar uchun lokal va nolokal masalalar o'rganishga bo'lgan qiziqish ortdi. Jumladan, [2] ishda vaqt yo'nalishlari almashinuvchi aralash parabolik tenglama uchun Jevre masalasi tadqiq qilingan bo'lsa, [3] ishda aralash parabolik tenglama uchun turli lokal va nolokal shartli masalalar qo'yilgan va o'rganilgan. A.M.Naxushevning [4] ishi esa xarakteristik formalari o'zgaruvchi ikkinchi tartibli parabolik tenglamalar uchun korrekt masalalar qo'yish va masalalar korrektiligi uchun zaruriy va yetarli shartlar aniqlashga bag'ishlangan.

Dastlab, tadqiqotchilar tomonidan ikkinchi tartibli aralash parabolik tenglamalar qaralgan bo'lsa, keyinchalik yuqori tartibli tenglamalar uchun masalalar tadqiqoti T.D.Djuraev, S.A.Tersenev, D.Amanov, S.V. Popov va ularning shogirdlari tomonidan rivojlantirildi.

So'ngi vaqtlarda tadqiqotchilar tomonidan kasr tartibli differensial operatorlarni o'z ichiga oluvchi aralash parabolik tenglamalar uchun ham tadqiqotlar olib borilmoqda. Jumladan, [5] ishda ikkinchi tartibli aralash parabolik tenglama uchun Jevre masalasi o'rganilgan bo'lsa, [6] ishda to'rtinchi tartibli aralash parabolik tenglama uchun masalalar spektral analiz usuli bilan tadqiq qilingan.





Yuqoridagi ishlarda qaralayotgan tenglamalarning vaqt yo'nalishlari kollinear bo'lib, vaqt yo'nalishlari kollinear bo'lmagan aralash parabolik tenglamalar uchun masalalar kam o'rganilgan. [7] ishda vaqt yo'nalishlari perpendikulyar bo'lgan aralash parabolik tenglama uchun nolokal shartli masalalar tadqiq qilingan bo'lsa, [8],[9] ishlarda kasr tartibli differensial operatorlarni o'z ichiga oluvchi aralash parabolik tenglamalar uchun turli nolokal shartli masalalar o'rganilgan.

Mazkur maqolada vaqt yo'nalishlari perpendikulyar bo'lgan yuklangan aralash parabolik tenglama uchun bir integral shartli masalaning bir qiymatli yechilishi tadqiq qilinadi.

**I masala.**  $D$  sohaning yopig'ida aniqlangan, uzluksiz va chegaralangan shunday  $u(x, y)$  funksiya topilsinki, u  $D_1$  va  $D_2$  sohalarda mos ravishda  $L_1u = 0$  va  $L_2u = 0$  tenglamalarni hamda quyidagi shartlarni qanoatlantirsin:

$$\lim_{x \rightarrow 0} u_x(x, y) = \lim_{x \rightarrow +0} u_x(x, y), \quad 0 < y < h;$$

$$u(x, 0) = \varphi_1(x), \quad 0 \leq x < +\infty; \quad (1)$$

$$u(x, 0) = \varphi_2(x), \quad -T \leq x \leq 0; \quad (2)$$

$$u(x, h) = a(x) \int_0^h u(x, y) dy + \varphi_3(x), \quad -T \leq x \leq 0, \quad (3)$$

bu yerda  $a(x)$  va  $\varphi_j(x), j = \overline{1,3}$  - berilgan uzluksiz funksiyalar bo'lib,  $\varphi_1(0) = \varphi_2(0)$ .

Qo'yilgan masalaning yechimi mavjud va yagonaligini isbotlaymiz. **I** masalannng  $u(x, y)$  yechimi mavjud bo'lsin deb faraz qilaylik Masala shartlariga asoslanib,

$$u(-0, y) = u(+0, y) = \tau(y), \quad 0 \leq y \leq h; \quad (4)$$

$$\lim_{x \rightarrow 0} u_x(x, y) = \lim_{x \rightarrow +0} u_x(x, y) = v(y), \quad 0 < y < h \quad (5)$$

belgilashlarni kiritaylik.

Ma'lumki,  $L_1u = 0$  tenglamaning  $D_1$  sohaning yopig'ida aniqlangan, uzluksiz, chegaralangan hamda (1) va  $\lim_{x \rightarrow +0} u_x(x, y) = v(y), 0 \leq y \leq h$  shartlarni qanoatlantiruvchi yechimi quyidagi ko'rinishda aniqlanadi [7]:

$$u(x, y) = \int_0^{+\infty} \varphi_1(\xi) G(x, \xi; y) d\xi - \int_0^y v(\eta) G(x, 0, y - \eta) d\eta + \int_0^y \int_0^{+\infty} \tau'(\eta) G(x, \xi, y - \eta) d\xi d\eta, \quad (6)$$

bu yerda





$$G(x, \xi, y) = \frac{1}{2\sqrt{\pi y}} \left\{ \exp \left[ -\frac{(x-\xi)^2}{4y} \right] + \exp \left[ -\frac{(x+\xi)^2}{4y} \right] \right\}.$$

(6) formulada  $x \rightarrow +0$  da limitga o'tamiz. U holda

$$\int_0^{+\infty} G(0; \xi, y - \eta) d\xi = 1$$

tenglikni e'tiborga olgan holda quyidagi tenglikka ega bo'lamiz:

$$\tau(y) = -\frac{1}{\sqrt{\pi}} \int_0^y \nu(\eta)(y-\eta)^{-1/2} d\eta + \int_0^{+\infty} G(0; \xi, y) \varphi_1(\xi) d\xi + \lambda \int_0^y \tau'(\eta) d\eta. \quad (7)$$

(7) tenglikni kasr tartibli integral operator ko'rinishidan [10] foydalanib va  $\tau(0) = \varphi_1(0)$  ekanligini e'tiborga olib, quyidagicha yozib olamiz:

$$(1 - \lambda)\tau(y) = -D_{0y}^{-1/2} \nu(y) + F(y), \quad (8)$$

bu yerda

$$F(y) = \int_0^{+\infty} G(0, \xi, y) \varphi_1(\xi) d\xi - \lambda \varphi_1(0).$$

(8) tenglikning har ikki tomoniga  $D_{0y}^{1/2}$  differensial operatorni tatbiq qilib va  $D_{0y}^{1/2} D_{0y}^{-1/2} g(y) = g(y)$  formulani e'tiborga olib [10], ushbu tenglikka ega bo'lamiz:

$$\nu(y) = -(1 - \lambda) D_{0y}^{1/2} \tau(y) + D_{0y}^{1/2} F(y). \quad (9)$$

(9) - noma'lum  $\tau(y)$  va  $\nu(y)$  funksiyalar orasidagi  $D_1$  sohadan olingan funksional munosabatdir.

Endi masala shartlarini va (4),(5) belgilashlarni hisobga olib,  $L_2 u = 0$  tenglama va (2), (3) shartlarda  $x$  ni nolga intiltiramiz. Natijada

$$\tau''(y) + \nu(y) = 0, \quad 0 < y < h \quad (10)$$

tenglama va quyidagi shartlarga ega bo'lamiz:

$$\tau(0) = \varphi_1(0), \quad \tau(h) = a(0) \int_0^h \tau(y) dy + \varphi_3(0). \quad (11)$$

(9) tenglikni e'tiborga olsak, (10) tenglikdan  $\tau(y)$  noma'lum funksiyaga nisbatan

$$\tau''(y) = \frac{1-\lambda}{\sqrt{\pi}} \frac{d}{dy} \int_0^y (y-t)^{-1/2} \tau(t) dt + F_1(y) \quad (12)$$

ko'rinishdagi integro-differensial tenglamaga ega bo'lamiz, bu yerda

$$F_1(y) = \frac{1}{\sqrt{\pi}} \frac{d}{dy} \int_0^y (y-t)^{-1/2} F(t) dt.$$





Shunday qilib qo'yilgan masala (12) tenglamaning (11) shartlarni qanoatlantiruvchi yechimini topish masalasiga ekvivalent (yechimga ega bo'lish ma'nosida) keltirildi. Agar  $\{(12),(11)\}$  masaladan  $\tau(y)$  ni bir qiymatli aniqlasak, u holda  $\nu(y)$  funksiya (9) tenglik bilan aniqlanadi. Shundan so'ng masalaning yechimi  $D_1$  sohada (6) formula bilan  $D_2$  sohada esa  $L_2u=0$  tenglama uchun birinchi chegaraviy masalaning yechimi sifatida aniqlanadi.

Shuning uchun bundan buyon  $\{(12),(11)\}$  masalaning bir qiymatli yechilishi masalasi bilan shug'ullanamiz.

Bu yerda quyidagi ikki holni qaraymiz:

1-hol.  $\tau(y) \lambda=1;$

2-hol.  $\lambda \neq 1.$

Dastlab, 1-holni qaraylik. Bu holda (12) tenglama

$$\tau''(y) = F_1(y) \tag{13}$$

ko'rinishda bo'lib, uni ketma-ket ikki marta integrallab va  $\tau(0) = \varphi_1(0)$  ekanini e'tiborga olib,  $\tau(y)$  funksiyani quyidagi ko'rinishda topamiz:

$$\tau(y) = \int_0^y (y-t) F_1(t) dt + Cy + \varphi_1(0), \tag{14}$$

bu yerda  $C$  - ixtiyoriy noma'lum son.

$C$  noma'lumni topish maqsadida (14) formula bo'yicha  $\tau(h)$  va  $\int_0^h \tau(y) dy$  larni hisoblaymiz:

$$\tau(h) = \int_0^h (h-t) F_1(t) dt + hC + \varphi_1(0),$$

$$\int_0^h \tau(y) dy = \frac{1}{2} \int_0^h (h-t)^2 F_1(t) dt + \frac{h^2 C}{2} + \varphi_1(0)h.$$

Bularni (11) shartlarning ikkinchisiga qo'yib, quyidagi tenglikka kelamiz:

$$C \left[ a(0) \frac{h}{2} - 1 \right] h = \int_0^h (h-t) F_1(t) dt - \frac{a(0)}{2} \int_0^h (h-t)^2 F_1(t) dt +$$

$$+ [1 - a(0)h] \varphi_1(0) - \varphi_3(0). \tag{15}$$

Agar  $a(0)$  va  $h$  sonlar uchun quyidagi tengsizlik

$$a(0) \neq \frac{2}{h} \tag{16}$$





bajarilgan bo'lsa, (15) tenglikdan  $C$  noma'lum son bir qiymatli topiladi.  $C$  noma'lumning topilgan qiymatini (14) tenglikka qo'ysak,  $\tau(y)$  funksiya ma'lum bo'ladi.  $\tau(y)$  ning topilgan qiymatini (9) tenglikka qo'yib,  $\nu(y)$  funksiyani aniqlaymiz.

Endi 2-holni qaraylik. (12) tenglamaning umumiy yechimini topish maqsadida undagi  $Y$  ni  $Z$  bilan almashtiramiz. So'ngra hosil bo'lgan tenglikni  $Z$  bo'yicha  $[0, y]$  oraliqda ikki marta integrallaymiz. Natijada,  $\tau(0) = \varphi_1(0)$  ekanini e'tiborga olib,  $\tau(y)$  funksiyaga nisbatan quyidagi integral tenglamaga ega bo'lamiz,

$$\tau(y) - \frac{2(1-\lambda)}{\sqrt{\pi}} \int_0^y \tau(t)(y-t)^{1/2} dt = F_2(y) + Cy,$$

bu yerda  $C$  - ixtiyoriy o'zgaruvchi son  $F_2(y) = \int_0^y (y-t)F_1(t)dt + \varphi_1(0)$ .

Ma'lumki, bu integral tenglamaning yechimi

$$\tau(y) = \frac{d}{dy} \int_0^y E_{3/2,1} [(1-\lambda)(y-t)^{3/2}] [F_2(t) + Ct] dt \quad (17)$$

formula bilan aniqlanadi [11], bu yerda  $E_{\alpha,\beta}(z) = \sum_{k=0}^{\infty} \frac{z^k}{\Gamma(\alpha k + \beta)}$  - Mittag-Leffler

funksiyasi,  $\Gamma(z)$  esa Eylerning gamma funksiyasi [10].

(17) tenglikda differensiallash amalini bajarib va

$$E_{3/2,1}(0) = 1, \quad \frac{\partial}{\partial y} E_{3/2,1} [(1-\lambda)(y-t)^{3/2}] = -\frac{\partial}{\partial t} E_{3/2,1} [(1-\lambda)(y-t)^{3/2}],$$

$$\int_0^y E_{3/2,1} [(1-\lambda)(y-t)^{3/2}] dt = y E_{3/2,2} [(1-\lambda)y^{3/2}], \quad F_2(0) = 0$$

tengliklarni e'tiborga olib,  $\tau(y)$  ni quyidagi ko'rinishda topamiz:

$$\tau(y) = Cy E_{3/2,2} [(1-\lambda)y^{3/2}] + \int_0^y E_{3/2,1} [(1-\lambda)(y-t)^{3/2}] F_2'(t) dt. \quad (18)$$

(18) formula bo'yicha  $\tau(h)$  va  $\int_0^h \tau(y) dy$  larni hisoblaymiz:

$$\tau(h) = Ch E_{3/2,2} [(1-\lambda)h^{3/2}] + \int_0^h E_{3/2,1} [(1-\lambda)(h-t)^{3/2}] F_2'(t) dt,$$

$$\int_0^h \tau(y) dy = Ch^2 E_{3/2,3} [(1-\lambda)h^{3/2}] + \int_0^h E_{3/2,2} [(1-\lambda)(h-t)^{3/2}] F_2'(t) dt.$$

Bularni (11) shartlarning ikkinchisiga qo'yib, quyidagi tenglikka kelamiz:

$$C \left\{ E_{3/2,2} [(1-\lambda)h^{3/2}] - a(0)h E_{3/2,3} [(1-\lambda)h^{3/2}] \right\} h =$$





$$= a(0) \int_0^h E_{3/2,2} \left[ (1-\lambda)(h-t)^{3/2} \right] F_2'(t) dt - \int_0^h E_{3/2,1} \left[ (1-\lambda)(h-t)^{3/2} \right] F_2'(t) dt + \varphi_3(0).$$

Agar  $a(0)$  va  $h$  sonlar uchun quyidagi tengsizlik

$$E_{3/2,2} \left[ (1-\lambda)h^{3/2} \right] - a(0)hE_{3/2,3} \left[ (1-\lambda)h^{3/2} \right] \neq 0 \quad (19)$$

bajarilgan bo'lsa, (18) tenglikdan  $C$  noma'lum son bir qiymatli topiladi.

1-izoh. Masalan,  $a(0)h \leq 2$  bo'lganda (19) tengsizlik bajariladi.

$C$  noma'lumning (18) tenglikdan topilgan qiymatini (17) ga qo'yib, {(12),(11)} masalaning yechimi bo'lgan  $\tau(y)$  funksiyani to'lig'icha aniqlaymiz.

$\tau(y)$  funksiya topilgandan so'ng  $v(y)$  funksiya (9) tenglik bilan aniqlanadi. Shundan so'ng  $I$  masalaning yechimi  $D_1$  sohada (6) formula bilan topiladi,  $D_2$  sohada esa  $L_2u = 0$  tenglamaning (2),(3) va  $u(0,y) = \tau(y), 0 \leq y \leq h$  shartlarni qanoatlantiruvchi yechimi sifatida topiladi. Oxirgi masalani  $I_0$  deb belgilaymiz va bir qiymatli echilishini isbotlaymiz.

Faraz qilaylik,  $u(x,y) - I_0$  masalaning yechimi bo'lsin.  $u(x,h) = \varphi(x), -T \leq x \leq 0$  belgilash kiritaylik. U holda,  $u(x,y)$  funksiyani  $D_2$  sohada  $L_2u = 0$  tenglama uchun birinchi chegaraviy masalaning yechimi sifatida

$$u(x,y) = \int_0^h \tau(\eta) G(0,\eta;x,y) d\eta + \int_x^0 \varphi_2(\xi) G_\eta(\xi,0;x,y) d\xi - \int_x^0 \varphi(\xi) G_\eta(\xi,h;x,y) d\xi \quad (20)$$

ko'rinishda yozish mumkin bo'ladi [13], bu yerda

$$G(\xi,\eta;x,y) = \frac{1}{2\sqrt{\pi(\xi-x)}} \times \sum_{n=-\infty}^{\infty} \left\{ \exp \left[ -\frac{(y-\eta-2n)^2}{4(\xi-x)} \right] - \exp \left[ -\frac{(y+\eta-2n)^2}{4(\xi-x)} \right] \right\}, \xi > x..$$

$u(x,h) = \varphi(x)$  belgilashni va (20) formulani e'tiborga olib, (3) shartdan

$$\varphi(x) + \int_x^0 \varphi(\xi) [a(x)K(x,\xi)] d\xi = f_1(x), \quad -T \leq x \leq 0 \quad (21)$$

integral tenglamaga ega bo'lamiz, bu yerda





$$K(x, \xi) = -\frac{1}{2\sqrt{\pi(\xi-x)}} \sum_{n=-\infty}^{+\infty} \left[ e^{\frac{-n^2}{\xi-x}} - e^{\frac{-(2n+h)^2}{4(\xi-x)}} + e^{\frac{-(n-h)^2}{\xi-x}} - e^{\frac{-(2n-h)^2}{4(\xi-x)}} \right], \xi > x$$

$$f_1(x) = a(x) \int_0^h \left[ \int_0^1 \tau(\eta) G(0, \eta; x, y) d\eta + \int_x^0 \varphi_2(\xi) G(\xi, 0; x, y) d\xi \right] dy + \varphi_3(x).$$

(21) – Volterrning ikkinchi tur integral tenglamasidir. Uning yadrosi  $(1/2)$  tartibli sust maxsuslikka ega bo'lib,  $x \rightarrow \xi$  da o'zini  $(x - \xi)^{-1/2}$  funksiya kabi tutadi, o'ng tomoni esa  $C[-T, 0]$  sinfga tegishli, ya'ni

$$a(x)K(x, \xi) = O(1)(\xi - x)^{-1/2}, \quad f_1(x) \in C[-T, 0].$$

Shuning uchun (21) integral tenglama  $[-T, 0]$  oraliqda uzluksiz bo'lgan yagona yechimga ega. Demak,  $I_0$  masala ham yagona yechimga ega.


Shunday qilib, quyidagi teorema o'rinli ekanligi isbotlandi.

**Teorema.** Agar  $a(x) \neq 0$ ,  $x \in [-T, 0]$  bo'lib,  $a(0)$  va  $h$  sonlar (19) tengsizlikni qanoatlantirsa,  $I$  masala yagona yechimga ega bo'ladi.

**2-izoh.**  $a(x) \equiv 0$ ,  $x \in [-T, 0]$  bo'lganda ham  $I$  masalaning yechimi  $D_2$  sohada (20) formula bilan aniqlanadi, faqat bunda  $\varphi(x) = \varphi_3(x)$  deb olinadi.

### FOYDALANILGAN ADABIYOTLAR :

1. Gevrey M. Sur les equations aux derivees partielles du type parabolique // J.Math. Appl.1913, T.9,Sec.6.-P. 305-475.
2. Кереев А.А. Об одной краевой задаче Жевре для параболического уравнения с знакопеременным разрывом первого рода у коэффициента при производной по времени // Дифференциальные уравнения.-Минск. 1974, Т.10, N1.-С.69-77.
3. Акбарова М.Х. Нелокальные краевые задачи для параболических уравнений смешанного типов. Автореферат на соискание ученой степени кандидата физико-математических наук. –Ташкент. 1995.-17с.;
4. Nakhushev A.M. The correct formulation of boundary value problems for parabolic equations with a characteristic form of variable sign. Differ. Uravn. 9, 130–135 (1973).
5. A.O. Mamanazarov. Gevrey problem for a mixed parabolic equation with singular coefficients. Itogi Nauki Tekh., Ser.: Sovrem. Mat. Pril. Temat. Obz. 156, 18–29 (2018).
6. D. Amanov. Boundary value problem for fourth order mixed parabolic equation. Uzb. Mathematical Jurnal. No. 2, 26-30.





7. A.O. Mamanazarov. Unique solvability of problems for a mixed parabolic equation in unbounded domain. Lobachevskii Journal of Mathematics, 2020, Vol. 41, No. 9, pp. 1837–1845.

8. A.O.Mamanazarov. Nonlocal problems for a fractional order mixed parabolic equation. Bulletin of National University of Uzbekistan: Mathematics and Natural Sciences. Vol. 4, Issue 1, 2020.

9.А.О.Маманазаров. Краевые задачи для смешанно-параболического уравнения дробного порядка в неограниченных областях. Бюллетень Института математики. № 6, с. 37-48.

10. Ўринов А.Қ. Махсус функциялар ва махсус операторлар.-Фарғона: Фарғона нашриёти, 2011.

11. A. D. Polyanin, Handbook of Linear Partial Differential Equations for Engineers and Scientists (Fizmatlit, Moscow, 2001; Chapman and Hall/CRC, New York, 2001).

12. Самко С. Г., Килбас А.А., Маричев О. И. Интегралы и производные дробного порядка и некоторые их приложения.- Минск: Наука и техника. 1987.

13. Джураев Т.Д. Уравнения смешанного-составного типов. –Ташкент: Фан. 1979.







## ЎЗБЕКИСТОНДА ЖИСМОНИЙ МАДАНИЯТ ВА СПОРТ ИЖТИМОЙ ЖАРАЁН СИФАТИДА

**Б.Ш.Мадаминов**

*Нам ДУ Факультетлараро жисмоний маданият  
кафедраси доценти*

**Калитли сўзлар:** ёш, миллат, ижтимоий-рухий, анъана, жисмонан, содиқ, фаоллик, индустрия, инфратузилма, интеграция, хавфсизлик, ижтимоий, социум, дезинтеграция,

**Аннотация:** Ёш авлодни халқимизнинг кўп асрлик анъаналарини ҳурмат қилиш руҳида тарбиялашдаги ролини ошириш каби ислохотлар натижасида жисмоний маданият ва спорт орқали ватанпарварлик, миллий анъана ва қадриятларга ҳурмат билан қарайдиган баркамол авлодни вояга етказиш, уларнинг ҳуқуқ ва манфаатларини ҳимоя қилиш тизими юзага келди.

## ФИЗИЧЕСКАЯ КУЛЬТУРА И СПОРТ КАК СОЦИАЛЬНЫЙ ПРОЦЕСС В УЗБЕКИСТАНЕ

**Б.Ш. Мадаминов**

*доцент кафедры межфакультета физической культуры НамГУ*

**Ключевые слова:** год, нация, социально-психологическая, обычья, физическая, верный, активный, индустрия, инфраструктура, интеграция, безопасность, социальное, социум. дезинтеграция.

**Аннотация:** В результате таких реформ, как повышение роли воспитания подрастающего поколения в духе уважения к многовековым традициям нашего народа, система воспитания гармонично развитого поколения с уважением к патриотизму, национальным традициям и ценностям, защита возникли их права и интересы.

## PHYSICAL CULTURE AND SPORT AS A SOCIAL PROCESS IN UZBEKISTAN

**B. Sh Madaminov**

*Ph.D. Associate  
Professor of NamSU*

**Key words:** year, nation, socio-psychological, customs, physical, faithful, active, industry, infrastructure, integration, security, social, society. disintegration.

**Annotation:** As a result of such reforms as increasing the role of educating the younger generation in the spirit of respect for the centuries-old traditions of our people,

